

مجموعہ فنون

20

جمعیت علمیہ عثمانیہ

۱۲۷۹
 وزیر خاندان ارزنجانلی اوغلو میناسیان آرتین
 مطبعه سنده طبع اولمشدر

بی اشتباه ایسه ده مداومتی بر تعهد مغوی تحننه اولدیغی و بالخصوص
بر کون عامه مواجهه سنده ثمره سعی و طلبی سنجیده میران امتحان
اوله جغنی بیلندیکی حالده بالطبع شو کیفیت بشقه بر شوق و غیرتی
مستلزم اوله جغنی درکاردر

شو مطالعات عاجزانه مزی عرض و بیاندن مرادمن حاشا درس مذکور
حقننه بر کونه نقص و قصور اسنادی اولیوب مجرد عموم حقننه
خیرلو اولوق اعتقادنده بولندیغمن صورتی اخطاردن عبارتدر هر حالده
بونک تأسسنه موفق اولان ذوات حجت سمانک مساعی مشکوره لرینی
تقدیره مجبورن طوبخانه عامره مشیری دولتلو خلیل پاشا حضرتلری
طرفندن دخی اشبو درس محارینک تنظیم و تسویه سنده خیلی همت
بیورلمش اولغله بوصره ده مشار الیه حضرتلری حقننه دخی لوازم
تشرک و محمدنک ایفاسنی وجیهه دن عد ایلرز
(منیف)

(خلاصه پولیتقیه)

(ممالک مجتمعه آمریقا مسئله سی)

اشبو مسئله نك منشأ و سببی لایقیله اكلالشی ممالک مجتمعه آمریقانك
موقع جغرافیسی و اهالیسنك مسلك و مشواری بیلنسنه متوقف
اولدیغندن اول امر ده بروجه ایجاز بورالینك تعریف و بیانی لازم کلمشدر
ممالک مذکوره اوتوز درت حکومتدن مرکب بر جمهور اولوب بونلرک
هر برینك صورت مستقله ده اداره مخصوصه لری اولوب هئئت
مجموعه لرینه عائد مواد دخی درت سنده بر کره تبدیل اولنور بر رئیس
ایله

ایله مبعوثان ملتدن مرکب ایکی مجلس معرفتیه تسویه قنور ممالک
مذکوره بتون اوروپا قطعده سی وسعنده اولوب اوتوز بر بچق ملیون
نفوسی شاملدر بونک درت بچق ملیون قدری امر حراثت وزراعتده
استخدام اولمق اوزره افریقان جلب اولمش سیاه کوله در اشبو
اهالینک بر مقدار جزئیندن ماعداسی کافه انگلیزجه تکلم ایدرک
همزبان و پروتستان اولمق اوزره همذ هبدرل ممالک مذکوره ده سائر
و سائل نقلیه دن بشقه تیمور یولار اولقدر کثرت اوزره درکه اوروپانک
پک چوق مملکتلرنده بولنان عادی یوللر مقدارینه معادلدر دینلسه
مبالغه یه حل اولنده من

الیوم محارب اولان طرفینک بریسی حکومت منتظمه سابقه اولوب
شمال طرفنده واقع یکریمی بر حکومتدن مرکب دیگر جیهت
جنوبیده کائن اون بر حکومتدن عبارت اولوب سالف الذکر سیاه
کوله درک جزو اعظمی بونلرک خدمتده درل مذکور یکریمی بر حکومت
تقریباً یکریمی بر ملیون نفوسی جامع اولوب بونلرین یالکز یوز بیکی
کوله درو جنوب طرفی اون ملیون نفوسی شامل اولوب بونلرک اوج
بچق ملیونی کوله در

ممالک مذکور مملکت ابتدای تشکللرنده اسارت اصولی عموماً قبول اولمش
ایسه ده شمال طرفنده واقع ممالک قرق سکر عرضنه قدر ممتد اولوب
بودرجه ده بولنان مواقعک هوا سبله ایله ایسدرنجیلر امتزاج ایده مدیکندن
چوق سورمه درک مذکور اسارت اصولی لغو اولمشیدی حالبوکه جنوب
طرفنک هوا سی زنجیلر مزاجنه موافق اولوب ممالک حاره یه مخصوص
اولان پرنج و پموق و شکر و چوید و توتون زراعتیچون دخی کلی
عمله نک لزومی اولدیغندن افریقان مقدار جسم زکی جلب واستخدام

قلندی عموماً خرسنجان ملتری بینده انسان بیع و شراسی غایتله
 مذموم و غیر جائز اولدیغی حالده اشبورنجیلرک اختلاف لون و سیمالری
 مناسبیله طریق تأویلله سلوک اولنده رق کویا بونلر انسان حقیقی اولان
 بیاضلرک مادوننده بر نوع خنبس اولدیغندن مستثنا طوتیله رق حیوانات
 و اشیا مثابه سنده اخذ و اعطالینه قانونا مساع کوسترلش و بنا علیه
 اشبو اسرا تجارتی شمسییه قدر کتدجکه کسب توسع ایلشدر
 ممالک شمالیده ایسه او قدر زراعتیه قابلیت اولوب امور صنایعیده
 دخی زنجی استخدا منده فائده اوله مدیغندن بونلرک دفعی دهها خبرلو
 کورینه رک بر طاقسی اعتاق ایله کروه احراره الحاق و بر طاقسی
 جنوبلوره فروخت اولمشدر برده اکثریسی ایرلانده و المانیا اهالیه سندن
 اوله رق امریقایه هجرت ایدن اوروپا لورک جزوا عظمی ممالک شمالیده
 توطن ایتمکده اولوب بونلر ایسه اوده دنبرو امور شاقه ده استخدا مه
 مالوف و سعی و غیرتله موصوف اولد قیلندن زنجیلر قدر چالشد قدن
 بشقه اصول تربیه و مذهبیری دخی اسارت اصولنه نا مساعد
 اولدیغندن اشبو اسباب مختلفیه منی شمال طرفلرنده کتدجکه اسرا
 ازالوب نهایت بر منوال محرر شو اصول بالکلیه ترک اولندی
 بونک اوزرینه شماللور جنوب طرفندن زدنینه فرار و التجا ایدن
 اسرای حیات ایلمکده باشلیدیغندن بوندن و امثالی خصوصاتندن
 طولانی شمال و جنوب حکومتلری بینده اصول اداره جه مشکلات
 کلیه حصوله کله رک منازعات کثیره وقوعندن صکره او مقوله اسرا نک
 اصحابنه اعاده سی حقنه بیلرنده معاهده مخصوصه عقد اولنمشیدی
 مع مافیه شماللور اولبایده ایقاع مشکلاتدن خالی اولماش اسیر
 استخدا م ایدر بعض حکومتلر مؤخرأ دائرة اتفاقه قبول اولندیغندن
 بودخی اسباب اختلافدن بری اولمشدر

اشته مواد مشروحه طرفین بیننده مخالفت متوالیدی داعی اولوب
 حتی بعضی کرم یکدیگری ممالکنه تجاوز ایله حرکات جبرییه وقوعی
 متبع اولمیشد شو حال بیک سکر یوز التمش سنه سنده رئیس جدید
 انتخابی زمانه کلنجیه قدر ممد اولوب اولوقته دکنین یالکر بعض
 حکومتلر بیننده خصوصی بر منشأ زاع اولدیغی حالده بر مسئله عمومیه
 منقلب اولمیشد موسبولیقولان شماللورک اتفاق عمومیه سیله رئیس جمهور
 انتخاب اولدوقده چونکه جنوبلور اراضیلرینک کمال درجه مدت اولمسیله
 برابر بر منوال محرر امر حراشته زنجی اسرا استخدام ایدرک فوق
 الغایه ثروت و سامان استحصال ایلش و بوجهته بینلرنده یک حق
 اصحاب نفوذ و اعتبار توره مش اولدیغدن رئیس مشار الیه کلنجیه
 قدر همان دائماً مقام ریاستی بونلر حاضر اولوب بوسایهده اصول
 متخذه لرین ترویج ایله امور بولیبقیهده اکثراً شما لوره تفوق
 ایدرلر ایدی هر فصل ایسه دفعه اخیرده شماللور کندولردن بولنان
 مشار الیه لینقولنک رئیس انتخابنه ظفریاب اولدوقده بویکیت شاید
 ممالک شما لیه اصول و عاداتنک غلبه سنه بادی اولور مطالعده سیله
 جنوب لوره غایت کران کلمش و رئیس جدید دخی اسارت اصولنک
 عموماً الغاسنی متضمن بعض تدابیره تشبث ایلش اولمغله جنوبلور
 شماللوردن قطع رشته اتحاد داعیه سنه قیام ایله جله دن اول قارولین
 جنوبی بونی رسماً طلب و عقینده بر بیاننامه عمومی نشریله
 افراقنی اعلان ایلدی سائر جنوب حکومتلری دخی تدارکات حریبه
 مسارعت و طرفین بیننده بعض تجاوزات وقوعدن صکره جنوبلور
 بالاتفاق بر هیئت متخده تشکیلیه سابقاً ممالک مجتمعه حریبه ناظر
 موسبولیقولان داویر نام ذاتی رئیس انتخاب ایلدیلر

بونك اوزرينه شماللور مذکور نارولین مملکتنه تجاوز ايله بر قلعه سنی ضبط ایلش اولماریله جنوبلور قلعه مذکوریه حصر و تضییق ایدرک دروننده بولنان شمال عسکری تسلیمه مجبور اولدی

اشته ایلاک دفعه اوله رق و قوعبولان شو محاربه ده جنوبلور غالب کلدیکندن بو کیفیت شماللورک کمال درجه حدت و تهورلری موجب اوله رق رئیس جمهور لینقولن در عقب یتش بش بیک عسکر جمع و ترتیب و عصیان ایدن مملکتلرک یکرمی کونه قدر کاکان دائرة اتحاده دخول ایلاری ضمنده تنبیهات اعلان ایلدی جنوبلور دخی لوازم مدافعه و مقابله ک تدارکنه مباشرت ایدوب راست کلدکری شمالو سفائنک اخذ و کسرفت حقنه رئیساری طرفندن جنوبلوره رخصتنامه لر توزیع و اعطا قلندی

براز وقت مرورنده شماللور افتراق ایدن حکومتلر سواحلنک تحت محاصره یه و وضعی اعلان ایلدیلر

طرفین ممالکی بیننده واقع بوتوماق نهری حدفاصل اتخاذ اوله رق ایکی طرف عسکری نهر مذکور کارلینه تحشد ایلدی شماللورک اردوسی سقوط نام جنرالک تحت قومانده سنده اوله رق بش فرقیه تقسیم قلندی و قوعبولان باشلیجه میدان محاربه لرینک برنجبسی بولرین محاربه سیدرکه بونده یکرمی بیک شمالو و یکرمی بش بیک جنوبلو عسکری اولوب ایلاک دفعه محاربه ده بولنان عسکرلر اکثریا دوچارخوف و دهشت اولدقلرندن بونده دخی اوילה اوله رق غالب و مغلوب معلوم اولدیغی حالده چکمشلردر فقط شماللور تعقب اوله رق درتوز یتش طقوز مقتول و بیک یوز مجروحلری و قوعبولش و بیک بشوز قدر ادملری اسیر دوشمشدر جنوبلورک دخی اوچبوز طقسان اوچ ادملری مقتول

مقتول و یک ایکی یوزی مجروح اولشدر اشبو محاربه بی متعاقب جنوبولر ممالک شمالیه صورت هجوم کوسترمش اولملریله شمالولر زیاده مضطرب اوله رق در حال بشوزیک عسکر بردن تحریر و جنرال سقوطی بالتبديل یرینه ماق قیلانی تعین و ویرثنی مملکتشدن مرور ایله ممالک جنوبیه هجوم ایلدیلر اشته بو وجهله یک سکر یوز التمش برسنه سی نهایته قدر محاربه ممتد اولوب سنه آتیه ابتدالزنده شمال اردوسی الی یوزیک عسکر دن مرکب و معینده جسیم بردونما اولدیغی حالده ینه محاربه یه بدا ایلدی بر طرفدن جنوبولر ممالک شمالیه تجاوز ایله بعض یرلر ضبط ایتکده ایکن شمالولر دخی ممالک جنوبیه نک مواقع مختلفه سنه درت دفعه عسکر سوق ایدرک خیلی مظفر یته مظهر اولدیلر و حتی باش قوماندانک تحت اداره سنده بولنان شمال اردوسی جنوبولرک مرکز اداره لی اولان ریشموند شهر ینه بر قاج ساعت قالدجه قدر تقرب ایتش ایکن جنوبولر کرکی کبی مدافعه ایتدکدن بشقه شهر مذکور جوارنده واقع اولوب متوالاً یدی کون ممتد اولان بر محاربه عظیمده شمالولر کلی تلفات ایله منهزماً رجعته مجبور اولشلردر

شمالولر جمعاً بر ملیون کوکلو عسکر تحریر ایتش اولدیلری حالده غائله حرب مندفع اولوب ارتق اهای دخی حسن رضا سبله عسکر یازلمقدن امتناعه باشلدیغندن الیوم صورت جبریده اوچیوزیک دهها تحریر یته مباشرت قلمشدر

ممالک شمالیه ده اشبو اردولرک مرکب اولدیغی یدیوزالای ایچون سائر مهمات حریره دن بشقه یدیوز موزیقه طاقی تنظیم اولوب عسکرک بهر نفر یته دخی شهری تقریباً یک ایکوز الی غروش معاش و بو

نسبت به تعیینات و برلید کردن شمعی به قدر واقع اولان مصارف حریبه
یوز ملبون انکلیز لیراسته بالغ اوامشدر اشبو مصارف جسیمیه مدار
اولی اوزره مقدار کلی اوراق نقدیه چبقاریلوب بونک دخی البوم
اعتباری یوزده او توز نقصانته تنزل ایتمشدر

جنوبلور دخی قرعه ایله کلی عسکر تدارک و ترتیب ایتمشدر ایسه ده
مصارفات واقعدری او قدر جسامت لو دکلد رشمعی به دکن وقوعبولان
مخاربانده هر بر طرفدن یوزیک قدر ادم تلف اولوب الحاله هدم
هر طرفک درتیوزیک عسکری موجوددر

اشته مسئله بدأ ایده لی ایکی سندی متجاوز اولوب محاربات عدیده
وقوعبولدغی حالده شمعی به قدر ایکی طرف دخی بر فائده مادییه
نائل اوله مامش و روش حاله نظراً دهاییک چوق سندر اوغراشسدر
نه بر طرفک دیگرخی صلحه اجبار ایده بیله جک درجه مظفریته
مظهر اوله میجغی ملحوظ بولنمشدر

ممالک شمالیه و جنوبیه میانهمسند و واقع ورژنی مملکتی بیطرفلق حالنی
الترام ایلمش و بو حرکت طرفینک دخی مملکت مذکوره حقنده بغض
و خصومتنی موجب اوله رق ایکی طرف دخی اوزرینه هجوم
ایتمکده بولنمشدر

اشبو مصائب حریبه به بر نهایت ویرمک اوزره مؤخرأ فرانسه و روسیه
دولتلی توسط مراد ایدرک انکله دولتی دخی بویاده اتفاقه دعوت
ایتمشدر ایسه دولت مشارالیه طرفین محاربینک البوم قوتلی بر درجه ده
بولنوب هنوز بر طرفه ضعیف و فتور طاری اوله مامش اولد یغندن صلح
تکلیفک بر فائده بی مفید اولیه جغی بیانیله اجرای توسطدن استکاف
ایدوب بونک اوزرینه دولتی مشار الیهما دخی اصلاح ذات البین
اشته افکارندن صرف نظر ایلمشدر

اشتهد شو حالانه نظرا محاربه حاضره عهد قریبه اندفاعی مأمول
اولیوب درجه قصوای معنویت و اقتداره واصل اولمش اولان بویه
بر مملکت و سبعتک شو وجهله مصائب حالانهایه حریده گرفتار
اولسی طوغریسی فوق الغایه جای تأسفدر

— 0 —

(خلاصه بولبیقه بروجه عموم)

ممالک محتمله امر بقا محاربه حاضره سندن طولانی پموغک فقدانیت
جهتیه فرانسهک بعض ایالتلرنده یک حقوق فابریقدر قیامش
و تحقیقات صحیحیه نظرأ بالکرن سن سفلی ایالتی داخلده ایکوز یک
نفر عمله ایسشنز قالمش اولدیغندن شو حالک اسباب اندفاعیسی
استحصال اولدمیدرق کسب اختداد ایلدیکی تقدیرده فرانسه ممالکنک
اسایش داخلهسی محل نایج و خیمهسین موجب اوله جنجی درکاردر
اهل و عبال صاحبی بر حقوق عمله بوندن طولانی دوچار کال فقر
و ضرورت اولدیغندن شو مضایقندن بعض مرتبه دفعه مدار اولاق
اوزره اهالیدن خیلی اچمه جمع ایله محتاجینه توزیع اولمش ایسدهده
اشبو معاوناتک تسکین نأره ضرورت و تخفیف بازسفالته کافی اولدیغی
قراین احوالدن استدلال اولنورمع مافیه ارتکاب ذل سؤال ایده مبدجک
بو مثالو اصحاب صنعت و غیرت شو مال پرمسلالده براغلمیدرق
امر بقا محاربه سنک ختامنه قدر فرانسه دولتی و یاخود ارباب قوت
و مروتی طرفندن استحصال اسباب تعیشلرینه بر چاره بولمنسی مأمولدر
انکله ممالکندن نقاشیر ایلانده دخی ینه بوسیددن ناشی یک حقوق
کسان ایسشنز قالمش ایسدهده اورانه کلی اچمه طویلانیله رق اشبو
مضایقه حالک آثار و خیمهسی ممکن مرتبه دفع و ازاله قلمشدر انکله

دولتی وکلای سابقه سندن لورد دربی مذکور عمليه توزیع اولمقی
اوزره ایکی یوز الی بیک فرانتی اعطا ایتش و انکله ده هر درلو
امور ایچون پک چوق جمعیتلر موجود اولوب بونلرک خبلی سرمایه لری
اولغله اشبو جمعیتلر طرفندن دخی بو یابده کلی معاونت اولمشدر
فرانسه مجالسی کانون ثانیته اون ایکسینده کشاد اولنه جقدرد
مالیه ناظری موسبو فولدک تقریرندن منقسم اولدیغی وجهله فرانسه
دولتی مکسیقا مسئله سیچون بر سنه ظرفنده سکسان اوچ ملیار فرانتی
یعنی تقریباً سکر میلیون کبسه صرف ایتش و بوايسه ییهوده اواره ق
مصارفات فوق العاده دن بولندیغندن فرانسه اهابسنگ بوندن
خشنود اولیه جقلری درکاردر و برده بویله بر بعید محله کلی عسکر
سوقندن مقصد صحیح نه ایدوکی بدایتندن برومجهول بولوب اگر مراد
مکسیقانک هیئت حاضره جمهوریتنی تبدیل ايسه انکله واسپانیا
دولتاری بو خصوصده فرانسه دولتیله متحد الافکار اوله میوب بو
وجهله انلردن معاونت قویه مأمول ایده میه جکندن فرانسه نک دولتین
مشارالیه مالیه عقد اتفاق ایلمسی عبث دیمک اولور و اگر ضبط ایتک کبی
دیگر برنیت وار ايسه تدارکات واقعه شو مقصد مهمه کافی اوله میوب بو
حالده جزوی بر قوه عسکریه نک مکسیقا ساحلنده هر درلومها لکه دوچار
اولقی مخاطره سی حالنده براقلمیه جخی بدیهیاتندرد اشبو مسئله فرانسه
ایله اسپانیا بیننده موجب برودت اولوب اسپانیا پارلمنتوسنده مسئله
مذکوره نک نتیجه سز قالمش اولسندن طولای هیئت حاضره علیهنده
دخی مؤخرأ بر طاقم مقالات ایراد و اتیان قلمش و حتی بو ماده یه
دائر فرانسه یه طوقنور بعض الفاظ دخی تفوه اولمش اولغله فرانسه
دولتی خارجه وکلی بو خصوصدن طولای ایضاحات طلب ایلشدر

امریقا ممالك مجتمعه سنده جنوبلور هیئت جمهوریت خصائصندن
اولدیغی وجهله متردانه محاربهیه دوام ایلمکده اولوب باش قوماندانلری
بولنان ماق قلیلان مؤخرأ عزل ایله یرینه بورنسايد نصب اولمشدر
مومی الیهک سبب عزلی تشبثات واقعه سنده تأخیر و تأنی ایله حرکت
ایلمسی ماده سی ایسه ده طرفین محارینک حال و موقعلری دخی شو
حرکتی ایجاب ایتدیر دیکندن ارباب پولیتیکه عندنده بو کیفیت جای
تیمت عد اولغیوب بالعکس رشد و رویتنه حل قلمقده در جنوبلور
بولسرون نام محله مظهر اولدقلری غلبه اوزرینه پانسیلوانی
و ماریلاند ایالتلرینه هجوم و اسنلا ایلمک داعیه سنده بولمشلر ایسه ده
هر فصل ایسه بوکا موفق اوله مامشدر مومی الیه جنرال بورنسايد
مأموریتنی متعاقب فریدریقس بورغ نام شهرک بعضی مواقع
مستحکمه سنده متخص بولنان جنوبلور اوزرینه هجوم ایتش ایسه ده
منهنز مأرجعه مجبور اولش واشبو محاربه جسیده شمالوردن یکر می
بیک قدر ادم مقتول و مجروح اولوب جنوبلور ایسه بوجه محار
استحکام داخلنده اولدقلرندن جزوی تلفاتلری وقوع بولمشدر شماللور
ایکی فرقه یه منقسم اولوب بری عوام ناس طاقسی و دیگر یه الوم
سرکارده بولنان مأمورین طرفدارانیدر بونلر خصم مشرک لری اولان
جنوبلور ایله محارب اولدقلری حالده بو وجهله طرفکبرلک منازعاتندن
دخی خالی اولوب اردولرینک دوچار اولدیغی هزیمت سرکارده بولنان
طرفک سؤاداره سنده حل ایله زمام حکومت عوام طرفدارانی یدیتنه
انتقال ایلمسی دخی بعید الاحتمال اولدیغی روایت اولمقده در
یونانلور هر نقد ر انکله قرالیمه سنک ایکنجی اوغلی پرنس الفردی
قرالغه استملر ایسه ده بو کیفیت انکله دولتش مر ضبسی ییله اولسه

مغایر عهد اوله جغندن دولت مشار الیها بو بایده اظهار موافقت ایتمیش
اولدینغی مثللو پورتیکیز قرانک پدری دون فر دیناند دخی قبولیدن
استنکاف ایلمش اولغله بو کره المانیا حکومتلرندن ساقس قبولورغ دوقه سی
ارنست بعض شرائط ایله بو بایده صوت موافقت کوسترمش
وانکلتزه دولتی بونی تذهب ایله قبول اولمسی حقنده یونانلور نصیحت
ایلمشدر انکلتزه دولتی تحت حمایه سنده بولنان جزائر سبعه یی یونانستانه
ترک و الحاق ایده جکنی وعد و اعلان ایلمش ایسده فرانسده و روسیه
دولتاری بعض محاذیر بیانله یو بایده صورت موافقت کوسترمکدن بشقه
جزائر مذکوره اها لیبسی دخی مدعای سابقه ربنک خلافی اوله رق
یونانستانه الحاق ارزوسندن نکول ایلمشدر درقی الحقیقه جزائر مذکوره
یونانستان ایله برلشدیکی تقدیرجه الوم انکلتزه اداره سی تحتنده مظهر
اولدینغی مساعدات و محابین غایب ایتدکن بشقه کرک امور مالیه
و اداره جه دوچار انواع مشکلات اولان یونان دولتیه همحال
اوله جغندن رأی اخیرلی حقارنده ده خیرلو ایدوکی درکاردر هر نه
حال ایسه خصوص مذکور شدیلک معلقده اولوب لوندرده عقدی
مصمم اولان مجلس مکالمده بالتذکر قرار ویریله جکدر
ایتالیا رئیس الوکلاسی راتاجی و رفقاسی بولنان وکلای سائر کافیه
استعفا ایتمش اولدقلرندن یکیدن بر هیئت وکلا تشکیل اولنده رق فارینی
رئیس الوکلا نصب قلمشدر رئیس مومی الیهک ایتالیا دولتی اصلاحات
داخلیه سنده یک چوق خدماتی سبقت ایتمشدر ناپولی ایالتنده ظهور
ایدوب شواشاده توسیع دائره شقاوت ایدن حیدود کر وهنک دفع کید
و مضر تلری ضمنده بو دفعه ایتالیا ده بر قوم بسون خفی تشکل ایلمشدر